

Comerciante y deportista 'Nel' Harms a fayece na Merca



**ORANJESTAD – Dia-
bierna anochi e comer-
ciante y deportista Aru-
biano, sr. Lionel 'Nel'
Harms, a fayece na Mer-
ca na edad di 86 aña.**

Pa varios aña, Nel Harms -como cariñosamente el a wordo yama- tabata doño di un imperio economico, esta Harms Brothers. Sinembargo e ciudadano aki lo wordo recorda semper den historia di deporte di Aruba como un tremendo baskebolista, futbolista ehemplar, tenista dinamico y pelotero di taya internacional.

Den su splendor di hubentud, Nel tabata un deportista integral cu a briya specialmente den e deporte di baseball. Na september 1952, Nel hunto cu su rumannan Clyde y Roy ta-

bata protagonistanan di un hecho historico. Nan a forma parti di e team di Aruba cu pa prome biaha a hunga den un serie mundial, esta XIII Serie Mundial di Baseball Amateur na Habana, Cuba.

Nel Harms tabata e prome pelotero Arubiano cu a firma pa bay hunga den liga Mericano. Prome el a bay hunga cu e team Waycross Bears di e liga Georgia-Florida. Despues el a bay muestra su talento na Texas, New Mexico cu e team Hobbs na 1955.

Ainda no ta conoci si e restonan mortal di e gloria di deporte Arubiano na decada di aña '50 lo wordo transporta pa Aruba, of eventualmente e lo wordo dera na Merca. □